



REAL SOCIEDAD DE FVTBOL, S.A.D.

REAL SOCIEDAD DE FUTBOL S.A.D.ko LAGUN TALDE OFIZIALA IZATEKO BETEBEHARRAK ETA ESKUBIDEAK

1.- DEFINIZIOA

1.1 Real Sociedad de Fútbol S.A.D.ko Lagun Taldeak elkarte burujabe eta independenteak dira, eta araudi hauen arabera antolatzen dira: beren estatutuak, Euskadiko Elkarteei buruzko 7/2007 Legea, ekainaren 22koa, erkidego autonomo bakoitzari dagokion legedia eta elkartzeko eskubidea arautzen duen 1/2002 Lege Organikoa, martxoaren 22koa, edota aurrekoetako edozein ordeztzen duen bestelako edozein legedi, eta, atzerriko elkarteak badira, herrialdeko bertako araudia.

Helburua da Real Sociedad de Fútbol S.A.D.ko talde guztienganako babesa, jarraipena eta animoa sustatzea, eta, oro har, koloreak defendatzea eta kirol eta gizarte mailan indar handiagoa ematea.

Halaber, bateko eta besteko Lagun Taldeen eta antzeko beste erakunde batzuen arteko elkartasuna eta laguntasuna bultzatuko dute, kultur, kirol edo jolas ekintzen bitartez.

1.2 Lagun Taldeko kidearen izaera izango du Real Sociedad de Fútbol S.A.D.ko Lagun Talde bateko kidea den pertsona fisiko orok, Lagun Taldearen berezko estatutuei bere borondatez men egiten badio, estatutuek eta legeak ezartzen dituen eskubideekin eta betebeharrekin, eta elkartearen xedeekin konprometituta badago.

2.- LAGUN TALDEA SORTZEA

2.1 Real Sociedad de Fútbol S.A.D.ek ez du inola ere Lagun Talde berri bat sortzen parte hartuko, ezta horien funtzionamenduan eta/edo desgitean ere.

2.2. Real Sociedad de Fútbol S.A.D.ko Lagun Taldeen Sailak Lagun Taldeak eratzeke eta inskribatzeko tramiteetan lagunduko du, beharrezko ereduak emanaz eta ahal duen informazioa eskainiz.

2.3 Lagun Talde baten izenak Real Sociedad de Fútbol S.A.D.ko Lagun Taldeen Saileko idatzizko baimena izan beharko du. Lagun Taldearen izenak Real Sociedaden aipamena egin behar du eta, ahal dela, bere jarduera garatzen duen lurralde eremuarena. Nahasketak ekiditeko, ez da baimenduko dagoeneko badauden beste Lagun Talde batzuen antzeko izena edo izen berdina erabiltzea, ezta jokalaria batena ere, gaur egun Klubean diharduen zein beterano batena izan.

Ez dira baimenduko klubaren berezko balioen aurka doazen Lagun Talde izenak, edo legearen aurka doazen esakuneak dituztenak, edo pertsonen oinarritzko eskubideak urra ditzaketenak.

2.4 Salbuespen gisa, dagoeneko jardunean ez dauden edo hil diren jokalarien izenak erabili ahal izango dira, baina interesdunaren edo senideen baimen idatzia beharko dute, jokalaria hilda badago. Pertsona horiek (jokalaria, prestatzaileak, etab.), Lagun Talde baten izenean egon ahal izateko, lotura handia izan beharko zuten Klubarekin, eta ez dira jardunean egongo.

2.5 Lagun Taldeek jardunean dagoen jokalaria bat babes dezakete, betiere jokalaria

baimen idatzia lortzen badute.

2.6 Real Sociedad de Fútbol S.A.D.ek erregistratutako ikurrak, ezkutuak, anagramak edo bestelako ezaugarriak erabili nahi dituzten Lagun Taldeek aurretiaz Klubaren baimena eskatu Lagun Taldeen Sailaren bitartez eta idatziz eskuratu beharko dute.

2.7 Izena erabiltzeko Real Sociedad de Fútbol S.A.D.ko Lagun Taldeen Sailaren baimen idatzia lortu eta gero, Lagun Taldeak Justizia, Enplegu eta Gizarte Segurantzako Azterlan eta Araubide Juridikoaren Zuzendaritzari atxikitako Elkarleen Erregistro Orokorrean inskribatu beharko du, egoitza Euskal Autonomia Erkidegoan baldin badu, edo bestela dagokion erkidego autonomoko erregistroan. Atzerriko Lagun Taldeentzat Lagun Taldeen Saileko arduradunak esango die zeintzuk diran eman beharreko pausoak.

3 - LAGUN TALDE OFIZIAL MODUAN EZAGUTZEA

3.1 Real Sociedad de Fútbol S.A.D.ko Lagun Taldeen Sailak baimendutako izenarekin legez eratu eta gero eta dagokien erregistroan inskribatu eta gero, Lagun Taldeek Real Sociedad de Fútbol S.A.D.ko Lagun Talde sailari eskatu ahal izango diote izendapena eta Real Sociedad de Fútbol S.A.D.ko Lagun Talde Ofizial gisa ezagutu ditzan.

3.2 Lagun Talde Ofizial gisa izendatu eta ezagutua izan ahal izateko, Lagun Taldeak idatziz eskatu beharko dio Real Sociedad de Fútbol S.A.D.eko Lagun Taldeen Sailari, honek emango dion fitxa bat betez, eta elementu hauen kopia ere emanaz: izendapenaren baimena, estatutuak, eraketa akta, dagokion erregistroko inskribapenaren ziurtagiria, IFK eta kontu korronteko zenbaki bat. Atzerrian sortutako elkarreak badira, legeztatzeko erabili duten dokumentazioa eman beharko dute.

3.3 Lagun Talde bat Gipuzkoan Lagun Talde Ofizial gisa izendatzeko eta mantentzeko nahitaezko betebeharra izango da Zuzendaritza Batzordeko kide guztiak (lehendakaria, lehendakariordea, idazkaria eta diruzaina) eta Lagun Taldeko kideen %50 Klubeko abonadunak edo akziodunak izatea. 150 kide baina gehiago dauzkaten Lagun Taldeak % bat bete beharko dute Real Sociedad bazkideen kopuruan. Kopuruen taula:

151 bazkidetik 199 bazkidera	%45a
200 bazkidetik 250 bazkidera	%40a
251 bazkidetik 300 bazkidera	%35a
301 bazkidetik gora	%30 ^a

Euskal Herriko, Estatuko eta Atzerriko Lagun Taldeetan bazkide edo akziodunak ez diren kideak RS Fan txartela izan beharko dute.

3.4 Inola ere ez da baimenduko pertsona bat Lagun Talde bateko Zuzendaritza Batzorde bateko baino gehiagoko kide izatea. Lagun Talde bat baino gehiagoko bazkidea izanda batean bakarrik agertu daiteke bazkide eta akziodun bezala.

3.5 Real Sociedad SAdoko Lagun Talde Ofizialek Gipuzkoan eta Euskal Herrian gutxienez 25 kide izan beharko dituzte. Estatuan eta Atzerrian 12 kide gutxienez. Salbuespen gisa Euskal Herriko, Estatuko edo atzerriko Lagun Talde batek Gipuzkoan eskatzen diren baldintzak beteko balitu Lagun talde ofizial bezala onartuta izango litzateke.

3.6 Real Sociedad SAdoko Administrazio Kontseiluari eta Lagun Taldeen Sailari dagokio Lagun Talde bat ofizial bezala onartzea eta izendatzea

3.7 Lagun Talde Ofizial berriak izendatzeko, Klubaren Lagun Taldeen Erregistroan izena emandako Lagun Talderik ez dagoen hiri, herri edo auzoetan izendatzeko irizpideari jarraituko zaio, edo, horrelakorik egonez gero Lagun Taldeen Sailak izendapenak herri edo inguruko beste Lagun Talde Ofizialei kalte egiten ez dietela badio.

3.8 Real Sociedad SAdoko Administrazio Kontseiluak eta Lagun Taldeen Sailak Lagun Talde bat Ofizial izendatzea onartzen badute, Lagun Taldeen Sailak idatziz emango du aitortpena, gutun baten bitartez, eta Real Sociedad de Fútbol S.A.D.ko Lagun Talde Ofizialen Erregistroan inskribatuko du.

Real Sociedad de Fútbol S.A.D. ko Lagun Taldeen Sailak diploma bat ere emango dio Lagun Talde bakoitzari, hau araudi honetako baldintzak betetzeari lotuta egongo da.

3.9 203/2010 Real Dekretuaren arabera Lagun Talde bat Ofiziala izateko honen datuak “ Libro de Registro de Seguidor@s”-en egon behar dute. Liburu honen kudeaketa Real Sociedad de Fútbol-eko Lagun Taldeen Sailaren hardura pean egongo da, honek Datuak Babesteko Erregimen Orokorra Legea betez.

3.10. Lagun Taldeen Erregistroan inskribatu eta gero, Lagun Talde Ofizialak Real Sociedad SAD-ek eskainiko dizkion begiramen berezi guztiez disfrutatu ahal izango du, baita ere izendapen honekin bat datozen eginbeharren betetzea.

4- LAGUNTALDE OFIZIALEN ERREGISTROA

4.1. Real Sociedad de Fútbol S.A.D.-ko Lagun Taldeen Sailak Lagun Talde Ofizialen Erregistroa mantenduko du, eta bertan datu hauek agertuko dira:

- Lagun Talde Ofizialaren helbidea. Lagun Talde Ofizial orok helbide edo egoitza sozial bakarra izango du. Ez da baimenduko helbide berean Lagun Talde Ofizial bat baino gehiago egotea. Inoiz ezingo da helbide partikularra izan.
- Lagun Talde Ofiziala osatzen duten pertsonen zerrenda (izen-abizenak, helbidea, NAN edo pasaportearen IDa edo RS Fans txartelaren IDa).
- Gutunak jasotzeko helbidea, eta hori Lagun Taldearen egoitza sozialaren helbidea ez beste bat izan daiteke.
- Harremanetarako telefonoa
- Posta elektronikoko helbidea
- Zuzendaritza Batzordeko kideen datu osoak (izen-abizenak, NAN zenbakia, IDa edo RS Fan txartelaren zenbakia)
- Lagun Taldeko kideen kopurua
- Abonua duten Lagun Taldeko kideen kopurua
- RS Fan txartela duten Lagun Taldeko kideak

5 - MANTENTZEKO BALDINTZAK

5.1 Lagun Talde Ofizial guztiek konpromisoa hartzen dute antolamendua eta funtzionamendua aktibo mantentzeko, Legeak eta araudi honek ezartzen dizkien betebeharrak formalak betez, eta konpromisoa hartzen dute urtean behin beren datuak eguneratzeko, ahal dela liga hasi baino lehen, eta horren guztiaren berri Real Sociedad de Fútbol S.A.D.-ko Lagun Taldeen Sailari jakinarazteko Lagun Taldean gertatutako aldaketak edo berrikuntzak egiaztatzen dituen ziurtagiri baten bitartez. Ziurtagiri hori Lagun Taldeko lehendakariak eta idazkariak izenpetuta egongo da.

5.2 Halaber, konpromisoa hartzen dute, ahal duten heinean, beren lurralde eremuan Real Sociedad SAD-i lotuta egiten diren jardueretan parte hartzeko, horrek inolako betebeharririk ez dakarren arren.

5.3 Edonola ere, Lagun Talde Ofizialek Klubari, Lagun Taldeen Sailaren bitartez, jakinaraziko diote:

- Urteko batzarra egin dela, horren ziurtagiri bat emanez, lehendakariak eta idazkariak izenpetuta.
- Jatorrizko Zuzendaritza Batzordean karguetan izandako aldaketak, Lagun Talde Ofizialen Erregistroan jasoarazi behar diren datuak adieraziz, eta Elkarteen Erregistroan aurkeztu behar den agiriaren kopia emanez.
- Lagun Taldeko kideen artean gertatzen diren altak eta bajak

- Lagun Talde Ofizialaren helbidea sozialean, telefonoan edo posta elektronikoko helbidean gertatzen den edozein aldaketa
- Lagun Taldeak denboraldian egin dituen jarduera guztien memoria dokumentatua

5.4 Real Sociedad de Fútbol-eko Lagun Taldeen Sailak aurreko baldintzak betetzen ez dituzten Lagun Talde Ofizialei baja eman ahalgo izan zaie Real Sociedad de Fútbol S.A.D. ko Lagun Talde Ofizialen Erregistroan

6 - LAGUNTALDE OFIZIALAREN IZAERA GALTZEA

6.1 Real Sociedad SAd-eko Lagun Talde Ofizialaren izaera galduko dute Lagun Talde hauek baldin eta:

- Beren borondatez araudi hau betetzen ez badute
- Klubaren balioak eta/edo irudia errespetatzen ez badituzte edo mespretxatzen badituzte
- Edozein bortizkeria mota sustatzen badute
- Klubak emandako begiramenak oker erabiltzen badituzte
- Real Sociedad SAd-eko ondarean, eskubideetan eta/edo interesetan kaltea egin eta/edo eragiten badute

6.2 Klubeko Lagun Talde Ofizialen Erregistroan baja eman ahal izango dira, eta baja behin-behinekoa edo behin betiko izan ahal izango da, gertaeren larritasunaren eta/edo berriro egitearen arabera. Baja emateko erabakia Real Sociedad de Fútbol S.A.D. ko Administrazio Kontseiluak eta Lagun Taldeen Sailak hartuko dute, aurretiaz 15 eguneko epean Lagun Taldeari audientzia egin eta gero, egozten zaizkion eta baja eragin dezaketen eskubideei buruz beraren interesari komeni zaiona alegatzeko.

7 - LAGUNTALDEEN ETA KLUBAREN ARTEKO KOMUNIKAZIOA

7.1 Lagun Taldeen eta Klubaren arteko komunikazioa Lagun Taldeen Saileko Arduradunaren eta Lagun Talde bakoitzeko lehendakariaren edo Lagun Taldeak izendatutako arduradunen bitartez egingo da.

8 - DESPLAZAMENDUAK ETA SARRERAK

8.1 Lagun Talde batek bidaia antolatu nahi badu Real Soziedadeko Lagun Taldeen Arduradunari jakinarazi beharko dio, 203/2010 Errege Dekretuan, otsailaren 26koan, desplazamenduei buruz aurreikusitako protokoloa gauzatzeko.

8.2 Etxeko zein kanpoko partiduetarako sarrerak, eskaerak Real Sociedad de Fútbol S.A.D. ko Lagun Taldeen Sailaren ezarritako epeen barruan. Eskaerak gutun, fax edo posta elektronikoko bidez egingo dira. Ez da telefono bidezko eskaerarik onartuko idatzizko euskarrik ez badago.

Erreserbak edozein unetan ere egin daitezke, lehiaketaren egutegia ezagutu eta gero. Aurkarien Klubak ematen dizkigun sarreren kopurua jakin bezain pronto, horiek esleitu egingo dira Real Soziedadeko Zuzendaritza Batzordeak erabakitzen duen modura, betiere erabiltzeko sarrera baino eskaera gehiago badago, Lagun Talde Ofizialen artean, eta gehienez ere Lagun Taldeko bakoitzeko autobus baterako emango dira (56 leku), ezarritako epeen barruan jasotako eskaeren artean, betiere erabiltzeko sarrera baino eskaera gehiago badago, Klubak eskaera guztiei aurre egiteko moduan aurkitzen denean Real Sociedad de Fútbol S.A.D. ko Lagun Taldeen Saileko Arduradunak eskatu diren sarrera guztiak jasotzeko lanak erraztuko ditu. Aipatu ere Lagun Taldeen arduradunak, Real Sociedad de Fútbol S.A.D-ko Zuzendaritza Batzordearen irizpideak kontutan harturik jasoko dituzten sarreren kudeaketaren ardura izango du.

8.3Eskaera egiteak ez du bermatzen eskatutako sarrerak emango direnik. Jasotako eskaeren arabera, eta erabilgarri dauden sarrerak kontuan hartuta Real Sociedad de Fútbol deko Zuzendaritza Batzordeak hartutako erabakiaren berri partidaren astean jakinaraziko da Real Sociedad de Fútbol S.A.D. ko Lagun Taldeen Sailaren Arduradunaren bidez eskaera bakoitzari esleitu zaizkion sarreraren kopurua. Eskerak egiaztatu eta gero ez da itzulketarik onartuko. Sarreraren esleipena egiaztatu ondoren eskatutako sarrerei uko egiten dien Lagun Taldeak horien zenbatekoaren %20 ordaindu beharko du, eta egindako zorra kitatzen ez duen bitartean lekuak erreserbatzeko eskubidea galduko du.

8.3 Real Sociedad de Fútbol S.A.D. Lagun Taldeen Sailak gainerako taldeekin hitzarmenak lortzen saiatuko da, bere Lagun Taldeek desplazamenduetan sarrera kopuru bat prezio egokian izan dezaten.

9 - OSPAKIZUNAK, EKITALDIAK ETA PROTOKOLOA

9.1 Lagun Talde Ofizialek egoki irizten dieten ekitaldiak eta ospakizunak egingo dituzte, eta, Real Sociedad de Fútbol S.A.D. estamentu ezberdinen parte hartzeko interesa badute, proposamena idatziz aurkeztu beharko dute (gutxienez hautatutako eguna baino hilabete bat lehenago), Klubeko Lagun Taldeen Sailaren Arduradunari.

Lagun Taldeen Arduradunak baloratu ahal izango du Klubeko ordezkariak lehen ezarritako epetik kanpo aurkeztutako eskaeretan parte hartzea, joateko inolako betebeharririk gabe.

Proposamenean azalduko da nolako ekitaldia den, egiteko eguna, hilabetea, ordua eta lekua, ekintzen programa eta parte hartuko dutela aurreikusten den pertsonen kopurua.

Klubaren ordezkariaren presentzia behar besteko aurrerapenaz egiaztatuko zaio Lagun Talde Ofizialari Lagun Taldeen Arduradunaren bitartez, nahiz eta, Klubaren beharrak tarteko, edozein unetan Real Sociedad de Fútbol S.A.D. ko Lagun Taldeen Saileko Arduradunak ordezkaritza eta eguna aldatu ahal izango du.

10- URTEURRENAK ETA INAUGURAZIOAK

10.1 Lagun Talde Ofizialak bere 50. edo 25. urteurrena ospatzen badu, saiakera egingo da Real Sociadadeko lehendakariak eta/edo Klubean ordezkaritza gorena duten zuzendariak parte har dezaten, bestela Lagun Talde berrien irekieran eta gero 5 urteko, hau da, 5.,10.ea ospakizunetan eta jokalariei batera sari edo omenaldi bat egiten zaionean parte hartuko duten Realeko Sail ezberdineko partaideak Real Sociedad de Fútbol S.A.D. ko Lagun Taldeen Sailak erabakiko du.

10.2 Gipuzkoatik kanpo dauden Lagun Taldeen ekintzak eta ekitaldiak nola egingo diren Lagun Taldeen Arduradunarekin bat erabakiko da nola kudeatu, kontutan izanda lehen taldeetako jokalariek ezin dutela hurbildu ekitaldi hauetara barne-araudiagatik. Taldeen bidai bat baliatuz Gipuzkoatik kanpo antolatu daitezke lehen aipatutako baldintzak betetzen dituzten ekintzak, beti taldearen ordutegiak eta plangintzak kontutan harturik, hauek ez dira inoiz mugituko ekitaldiren bat aurrera eramateko. Ospakizun hauek denborarekin jakinarazi egin beharko zaizkie Lagun Taldeen Sailari eta berak antolatuko du non, noiz eta nola aurrera eraman.

